


Ođđa árvoštallan — juohke ovccát Suoma eallišlájain lea áittavuloš

Ođđa eallišlájaid áittavulošárvoštallan čájeha Suoma luonddu ain geaffut. Árvoštallojuvvon badjel 22 000 šlájas 11,9 % leat áittavuložat, go ovddit árvoštallamis oassi lei 10,5 %. Áittavullosaččat leat buot šládjajoavkkuin, gorálaččat eanemus lottiin ja sámmáliin. Stuorámus sivva áittavulošvuhtii lea šlájaid eallinbirrasiid geahppáneapmi ja šlájalaš hedjoneapmi. Olu livččii vejolaš dahkat áittavulošvuoda bisseheamis, muhto doaimmain lea hoahppu.

Áittavuložiid oassi stuorámus lottiin ja sámmáliin

Sulaid goalmmás riikamet lottiin ja sámmáliin leat áittavuložat. Áittavuloš šlájaid oassi lea stuorámus maiddái jeahkáliin, bohcešattuin, beavelottiin ja seahčagasdivrriin. Dilli lea dáin buot šládjajoavkkuin hedjonan ovddit árvoštallamis. Riggeealliin measta goalmmás leat áittavuložat. Eanemus áittavuložat leat ovdamearkan njálá, jávreluossa ja bealdocihci ovtta guovttelogi eará šlájain.

Useimmat Suomessa esiintyvistä lajeista ovat elinvoimaisia, mutta uhanalaisten lajien määrä jatkaa kasvuaan



LÄHDE: SUOMEN LAJEN UHANALAIKUUS - PUNAINEN KIRJA 2019

Nimeä 4.0 Kansainvälinen

Sulaid 10 proseantta Suoma divrešlájain leat áittavuložat. Muhtun divrriid bokte dilli lea buorránan, go mánggat máttá šlájat leat ávkašuvvan dálkkádaga liegganeamis. Nuppe dáfus badjel 200 beaveloddešlájain leat ain eanet áittavuložat, vaikke 152 šlája dilli leage buorránan.

Šlájaid áittavuložin šaddan joatkašuvvá buot eallinbirrasiin

Johtileamos áittavuložin šaddan lea duoddariin, jekkiin, čáziin ja lássáin. Daid šlájain leat dáhpáhuvvan dušše ovttaskas nuppástusat buoret guvlui. Duottaršlájain áitojuvvon leat eandalii beavelottit ja bohcešattut, mat gillájit earret eará dálkkádatrieddama váikkuhusain.


Eanaš oassi áittavullosaš šlájain ellet vuvddiin ja árbebirrašiin ja eará olbmo doaimma váikkuhusain šaddan birrašiin. Oassi šlájain lea šaddan áittavuložin, muhto seammá áigge nuppiid šlájaid dilli lea buorránan ja áittavuložin šaddan lea oppalaččat njoazit go duoddariin ja jekkiin. Vuvddiin ja árbebirrašiin ellet eanemus šlájat, mii bealistis čilge áittavullosaš šlájaid stuorra meari.

Stuorámuš áitta lea eallinbirrašiid geahppáneapmi ja šlájalaš hedjoneapmi

Šlájaid áittavulošvuhtii leat váikkuhan eanemus vuovdeeallinbirrašiid nuppástusat, mii lea deháleamos áittavulošvuoda sivva 733 šládji. Dábálemosat dáin leat vuvddiid ođadan- ja dikšundoaimmat, boares vuvddiid ja stuorra muoraid ja mieskamuoaraid geahppáneapmi.

Uhanalaisten lajien osuus kasvaa hälyttävää vauhtia Suomessa

osuus arvioituista lajeista Suomessa



LÄHDE: SUOMEN LAJIEN UHANALAISUUS - PUNAINEN KIRJA 2019

Nimeä 4.0 Kansainvälinen

Nubbin dábáleamos šlájaid áittavulošvuhtii váikkuhan sivva lea jalges eallinbirrašiid savvon, mii lea 639 šlája áittavulošvuoda sivvan. Dálkkádatrivedan váikkuha eandalii duottaršlájaid áittavuložin šaddamii.

Šlájaid dili buorideapmin olu konkrehta doaimmat

Šlájaid áittavulošvuoda bisseheapmin sáhtttá dahkkot olu. Áittavulošvuodaárvoštallamis dahjege Rukses girjjis buktovuvvo ovdan sihke viiddis ja čuozihuvvon doaimmat šlájaid eallindiliid buorideapmái.


Suodjalanguovllut eai okto nagot dorvvastit šlájaid seailuma, muhto mánggahámatvuolta galgá váldot vuhtii buot luondduváriid ja guovlluid ávkkástallamis.

Aktiivlaš suodjalan-, ovddežin dikšun- ja dikšundoaimmaid galggašii čielgasit lasihit eandalii jekkiid ja loddelavttabaikkiid šlájaid dorvvasteapmin. Lassin dárbašat eanet dieđu šládjadihttomiiin ja šlájaid eallindábiin. Maiddá dieđu fáhtema ja ávkkástallama galggašii buoridit.

Viđat Suoma šlájaid áittavulošvuodaárvoštallan

Suoma šlájaid áittavulošvuolta árvoštallojuvvui viđat geardde. Barggu koordinere Suoma birasguovddáš ja mielde leat 180 áššedovdi universitehtain, luonddudieđalaš museain, Luondduriggodatguovddážiis, Suoma

birasguovddážiis, Meahciráđđehusas ja Suoma njiččehasadieđalaš searvvis (Suomen Nisäkätieteellinen Seura). Mielde leat maidái áššedovdiberošteaddjit ja ealáhagas lean biologat, geat addet mávssolaš veahki árvoštallamii. Birasministeriija ásahan stivrenjoavku jodihii barggu ja dohkkehii bargujoavkkuid árvoštallamiid.



Lassidieđut

Birasráđdeolmmoš **Esko Hyvärinen**, birasministeriija, t. 0400 143 876, ovdanamma.sohkanamma@ym.fi

Boarrásut dutki **Ulla-Maija Liukko**, Suoma birasguovddáš, t. 0295 251 387, ovdanamma.sohkanamma@ymparisto.fi

Ovttadathoavda **Aino Juslén**, Luondudieđalaš guovddášmusea, t. 050 310 9703, ovdanamma.sohkanamma@helsinki.fi

Biodiversiteahta- ja gulahallanáššedovdi **Riku Lumiaro**, Suoma birasguovddáš, t. 040 509 8654, ovdanamma.sohkanamma@ymparisto.fi

Liŋkkat

- [Suoma šlájaid áittavulošvuolta 2019](#)
- [Rukses girjji neahttabálvalus](#)